

Allakkat toqqorsivimmiititat pillugit Namminersorlutik Oqartussat nalunaarutaat nr. 23, 26. september 2016-imeersoq

Allagaateqarfeqarneq pillugu Inatsisartut inatsisaat nr. 5, 3. juni 2015-imeersumi § 8, § 10, § 11, imm. 1 aamma § 13, imm. 2 naapertorlugu kiisalu Nunatta Katersugaasivianik Allagaateqarfianillu aamma Kalaallit Nunaanni Kommunit Kattuffiannik, KANUKOKA, isumaqatigiinniarnertit malillugit, aalajangersarneqarpoq:

Kapitali 1

Atuuffia

§ 1. Nalunaarut inatsisaat Namminersorlutik Oqartussani Kalaallit Nunaannilu kommunini ingerlatsivinnut tamanut atuuppoq.

Imm. 2. Nalunaarut sullissiveqarfinnut, ingerlatseqatigiiffinnut, peqatigiiffinnut il.il., pisortat ingerlatsiviitut naatsorsuunneqarsinnaanngitsunut aamma atuutissaaq, kisianni allagaateqarfeqarneq pillugu Inatsisartut inatsisaanni § 1, imm. 2 naapertorlugu inatsisartut inatsisaanni ilaassanngitsooq Naalakkersuisut aalajangerput.

Imm. 3. Oqartussa qarfiit, sullissive qarfiit, ingerlatseqatigiiffiit, peqatigiiffiit il.il. imm. 1-2-lu ilaatinneqartut tulluuttuni pisortat sullissive qarfiisut taagorneqassapput.

Kapitali 2

Suliarinninneq toqqortaqarnerlu

§ 2. Pisortat sullissive qarfiutaasa toqqortaatimik, matumani ilanngullugit elektronikkimik toqqortat, piffissami sukkulluunniit Nunatta Katersugaasiviata Allagaate qarfiatalu allagaate qarriaatsit akuerisai isumannaatsumik suliarineqarnissaat toqqortarineqarnissaallu isumagissavaat.

Imm. 2. Pisortat sullissive qarfiutaasa toqqortatik pisortat sullissive qarfiisa allat toqqortataannit immikkoortissavaat.

§ 3. Pisortat sullissive qarfiutaasa allakkanik toqqorsivimmiititanik suliaqarnerminni toqqortaqarnermilu, matumani ilanngullugit pappiarat uppersaataasut aamma elektronikkimik sulianut uppersaataillu aqunnerinut ataqatigiissumik aaqqissuussinerit (ESDH-mik ataqatigiissumik aaqqissuussinerit) uppersaatait digitalinngortitanut allagaatinut sikaaviit ataqatigiissumik aaqqissuussinermut tamatumunnga naleqquttut atussavaat.

Imm. 2. Ataqatigiissumik aaqqissuussinerit atorineqartut imatut periuseqarluni aaqqissuunneqarsimassapput, inunnut attuumassuteqartut imaluunniit paasissutissat allanut oqaatigeqqusaanngitsut nassuitsumik oqaatigineqartunut aamma piviusorsiornermik siunertaqartunut, matumani ilanngullugit oqaluttuarisaanermut, kisitsisit atorlugit nassuiaasiornermut imaluunniit ilisimatusarnermut atasumik siunertanut taamaallaat atortinneqarsinnaassasut qularnaassallugu.

§ 4. Pisortat sullissiveqarfiutaat atorunnaarsinneqarpat, pisortat sulliviutaannut suliassaqaqarfimmik tiguisumut suliffeqarfiup allanut toqqorsivianiittut suliarissallugit toqqortarineqarnissaallu akisussaaffigissallugit pisussaavoq.

Imm. 2. Pisortat sulliviutaannit suliassaqaqarfik tiguneqanngippat, Nunatta Toqqorsivianut allakkat toqqorsivimmiititassat tunniunneqassapput. Pisuni taamaattuni pisortat sullissiveqarfiutaannut atorunnaarsinneqartumut tunngatillugu tassunga qulliunerusumik oqartussaasoq pisussaavoq allakkat toqqortaasivimmiitit tunniunneqarnerinut akisussaassalluni.

§ 5. Pisortat sullissiveqarfiata suliassaqaqarfiisa pisortat sullissiveqarfiannut allamut nuunneqarneranni, toqqortat sulianut inaarneqanngitsunut tunngassuteqartut pisortat sullissiveqarfiutaannut suliassaqaqarfimmik tiguisumut nuunneqartassapput.

Imm. 2. Toqqortat allat Nunatta Katersugaasivianut Allagaateqarfianullu nuunneqarnissamik tungaanut allagaateqarfeqarneq pillugu Inatsisartut inatsisaanni § 12 naapertorlugu pisortat sullissiveqarfiutaanni nuussisumiiginnartassapput. Toqqortat taamaattut pisortat sullissiveqarfiutaannut tiguisumut nuunneqartarnissaat Nunatta Katersugaasiviata Allagaateqarfiatalu pisuni immikkut ittuni akuerisinnaavaa.

Imm. 3. § 2, imm. 2-imi aalajangersagaq aamma atuutissaq imm. 1 aamma 2 naapertorlugit toqqortaatinik nuussisoqarnerani.

Imm. 4. Pisortat sullissiveqarfiutaasa akornanni suliassaqaqarfinni nuussinermi sullissiveqarfiit attuumassuteqartut toqqortaait agguataarneqarnissaat pillugit malittarisassat imm. 1-3 naapertorlugit aalajangiissapput.

*Toqqortaait IT-mi ataqatigiissumik aaqqissuussaniittut immikkut suliarineqartarnerat
toqqortarineqarnerallu*

§ 6. IT-mi ataqatigiissumik aaqqissuussaniittut allakkanik ilallit suliamut allakkat tamarmik attaveqartinneqassapput

Imm. 2. Suliap tamaasa pillugit paasissutissat nalunaarsorneqassapput, suliap suussusersinnaaneranut nassaarinissaalu periarfissiuunniarlugit, matumani ilanngullugit:

- 1) suliap normua,
- 2) suliap taaguutaa,
- 3) suliamut akisussaasoq aamma
- 4) allakkanik nalunaarsuiffeqarneq, imaluunniit nalunaarsuineq nalunaarsuinermit suleriaatsimut allamut naapertuuttoq takuuk § 15, imm. 2.

Imm. 3. Paasissutissat imm. 2-mi allaaserineqartut ataqatigiissumik aaqqissuussami tabelip oqaluttuassartaata ataatsimut nassuiaataani imatut uppersarneqassaaq, oqaluttuassartap ataatsimut nassuiarnera allagaateqariaatsimut ilanngussinnaassalluni.

§ 7. Suliap ataasiakkaarlutik paasissutissartaat nalunaarsorneqassapput, suliap suussusersinnaaneranut nassaarinissaalu periarfissiuunniarlugit, matumani ilanngullugit:

- 1) allakkap taaguutaa,
- 2) allakkap ullulernera,
- 3) allakkanut isertunut anisunullu: nassiussisoq/tiguisisoq,

4) toqqorsivimmiiteriaaseq aamma

5) suliamut ilaaneq.

Imm. 2. Paasissutissat imm. 1-imi allaaserineqartut ataqatigiissumik aaqqissuussami tabelip oqaluttuassartaata ataatsimut nassuiaataani imatut uppernarsarneqassaaq, oqaluttuassartap ataatsimut nassuiarnera allagaateqariaatsimut ilanngussinnaassalluni.

§ 8. IT-mi ataqatigiissumik aaqqissuussami, oqartussaasunit arlalinnit atorneqartumi, suliami uppernarsaatinilu nalunaarsuiffimmi, oqartussaasup sorliup suliaasaq uppernarsaalluunniit nalunaarsorsimaneraa takuneqarsinnaassaaq.

§ 9. Tassunga immikkut illuinnartumik tunngavissaqartillugu §§ 5-8-mit Nunatta Katersugaasiviata Allagaateqarfialu immikkut ittumik akuersissuteqarfisinnaavai.

*IT-mit ataqatigiissumik aaqqissuussamit paasissutissanik uppernarsaatitaanilluunniit
allagaateqariaatsit*

§ 10. Allagaateqariaaseq tassaavoq paasissutissanik aaqqissuussineq, paasissutissat imarisai aamma allagaateqariaaseq pillugu paasissutissiineq.

Imm. 2. Allagaateqariaaseq paasissutissanik paasiuminaallisakkanik imaqassanngilaq.

Imm. 3. Allagaateqariaaseq piffissami killilimmeersunik paasissutissanik aallakkanilluunniit eriaginartumik tamanik, paasissutissanik iluarsuiffigineqartarunnaarsimasunik ilaartorneqarunnaartunilluunniit, imaluunniit piffissami aalajangersimasumi piffissarpiamik takussutissatut ilusilerneqartunik paasissutissanillu allagaatinilluunniit eriaginartunik tamanik imaqassaaq.

Imm. 4. IT-mi ataqatigiissumik aaqqissuussamit allagaateqariaatsimi allagaatit nalunaarsuinermit piffissaq nikisinnagu suliarineqarpata imaluunniit nalunaarsuinermit piffissap nikisinneranut atatillugu allagaatinik piffissamut nutaamut nuussinermi, allakkat allagaateqariaatsimut ilannguttut, IT-mi ataqatigiissumik aaqqissuussami imatut periuseqarluni nalunaaqutserneqassapput, allagaateqariaatsini tulluuttuni pinngitsoorneqarsinnaallutik.

Imm. 5. Allagaateqariaatsit allatigut tassunga najoqqutassanut, matumani ilanngullugit filet qanoq ittuunissaat paasissutissallu ilusissaat pillugit Nunatta Katersugaasiviata Allagaateqarfialu aalajangersagaanut naapertuutissapput. Najoqqutassiat Nunatta Katersugaasiviata Allagaateqarfialu nittartagaani tamanut saqqummiunneqassapput.

§ 11. Allagaateqariaatsimi paasissutissanik ilusilersuineq imaappoq:

1) mappit ilusilersorneri,

2) atassuteqarnermut paasissutissaateqarfiup ilusilersornera 1-itut nalinginnaasumik ilusilerlugu qaffasinnerusunngorluguluunniit, indexfile tableIndex.xml-imi oqaatigineqarpoq

3) XML-imimi indexfilet allat, allagaateqariaatsimi pingaarnertut imarisaa pillugu paasissutissanik ilusiliisut, filet tamakkerlugit allagaateqariaatsimi, uppernarsaatit ataqatigiinnerini aamma digitalikkut uppernarsaatitarisinnaasaani.

§ 12. Paasissutissat imarisai makkuupput:

1) tabelip imarisaani paasissutissat pissusii assigiissaakkat aamma

2) digitalikkut allagaataasinnaapput, nipit, videot aamma nunap sananeqaataanut tunngasut paasissutissatut angissusilersorlugit assigiissaakkat.

§ 13. Allagaateqariaaseq pillugu paasissutissat makkuupput allaffissornermut atugassatut, paasissutissat imarisaannik IT-milu ataqatigiissumik aaqqissuussaq

Kapitali 3

Nalunaarutiginninnerit akuersissuteqarnerillu

Nalunaarsuisarnernut toqqortaateqarnernullu pilersaarutit aamma nalunaarsuisarnernut ilitsersuutit

§ 14. Pisortat sullissiviutaat nalunaarsuisarnernut toqqortaateqarnernullu pilersaarutit aamma nalunaarsuisarnernut ilitsersuutit, taakkua atorneqalersinnaagit Nunatta Katersugaasivianit Allagaateqarfiannillu akuerineqartussanik suliaqassapput.

§ 15. Nalunaarsuisarnernut toqqortaateqarnernullu pilersaarutit tunngaviusut imaattut malillugit ineriartortinneqassapput:

- 1) pilersaarut sammisanut immikkoortiterneqassaaq,
- 2) suliffeqarfiup suliassamik ingerlatsinerani suliassaqarfini sammisat immikkoortiterneqassapput aamma sullissiveqarfiit aaqqissuussaanikkut ilusilersorneri pineqassanngillat,
- 3) nalunaarsuisarnernut toqqortaateqarnernullu pilersaarutit qaffasissutsinut immikkoortiterneqarsimassapput aamma
- 4) qaffasissutsit amerlassusaat sullissiveqarfiup pisariaqartitaanut killiliussat iluanni sapinngisamik killilersimaneqassapput.

Imm. 2. Suliffeqarfiup suliassat qanoq ittuuneri killeqartut taamaallaat suliarisarpagit nalunaarsuisarnernut toqqortaateqarnernullu pilersaarut pillugu piumasqaammut Nunatta Katersugaasivia Allagaateqarfialu immikkut ittumik akuersissuteqarsinnaapput.

§ 16. Nalunaarsuinermit ilitsersuut makkua allaaserinerinik imaqassaaq:

- 1) Oqartussaasup sulisaasianut suliallu ingerlasarnerinut tunngatillugu:
 - a) Suliassanik allakkanillu atsiineq,
 - b) Suliat pilersinneqarneri matunerilu, aamma
 - c) Ataqtigiissumik aaqqissuussamik nalunaarsuinerup, matumani ilanngullugit ataqtigiissumik aaqqissuussaq atajuartinniarlugu malittarisassat allaatigineqarneri atorneqarnerilu.
- 2) Suliassaqarfiit allangortinnerinik suliaqarneq.
- 3) Nalunaarsuinermit piffissat killillit.
- 4) Ataqtigiissumik aaqqissuussami nalunaarsuinerit pitsaassutit qularnaariffigineri aamma nalunaarsuinermit suleriaatsip nakkutiginera.
- 5) Nunatta Katersugaasivianut Allagaateqarfiannullu tunniussinermit atatillugu ingerlatseriaaseq.

Imm. 2. Allagaataasivimmut inissiinermit IT-mik ataqtigiissumik aaqqissuussaq atorneqarpat, saniatigut nalunaarsuinermit ilitsersuut allaatigineqartunik makkuninnga imaqassaaq:

- 1) Ataqtigiissumik aaqqissuussap siunertaa imarisaalu, matumani ilanngullugit oqartussaasup ataqtigiissumik aaqqissuussaanut allanut ataqtigiissuteqarneq.
- 2) Toqqorsivimmiitsinerup annertussusiata aqunneqarnera, matumani ilanngullugit immaqqa allakkat

pappiarat il.il. IT-mi ataqatigiissumik aaqqissuussat nalunaarsorneqartut, ataqatigiissumik aaqqissuussami toqqortaangitsut toqqorneqarneri.

3) Ataqatigiissumik aaqqissuussami filet pissusii akuerisat.

4) Ataqatigiissumik aaqqissuussamik atortussat assingisa scanneneri digitalisererneriluunniit.

5) Ataqatigiissumik aaqqissuussamik allanngortitsineq.

§ 17. Nalunaarsuisarnernut toqqortaateqarnernullu pilersaarutit imaluunniit nalunaarsuineramik ilitsersuutip akuersissutigineranut atatillugu Nunatta Katersugaasivia Allagaateqarfialu taakkua siunissami atajuartinniarlugit atugassamik aalajangersaasinnaapput.

Imm. 2. Nalunaarsuisarnernut toqqortaateqarnernullu pilersaarutit imaluunniit nalunaarsuisarnernut ilitsersuutit allanngortinneri Nunatta Katersugaasivianut Allagaateqarfianullu nalunaarutigineqartassapput tassanngalu akuersissutigineqarlutik.

Imm. 3. Taamaattorli allanngortitsinernut piumasarineqartunut mikinerusunut pisortat sullissiviutaasa namminneq nalunaarsuiffimminnik toqqortaateqarnermillu aaqqissornissaannut, matumani ilanngullugu nalunaarsukkat normuunik pilersitsinermut allannguinernullu Nunatta Katersugaasivia Allagaateqarfialu immikkut akuersissuteqarsinnaavoq.

Nalunaarutiginninnerit akuersissuteqarnerillu allat kiisalu ingerlatseriaatsit

§ 18. Naalackersuisuni suliassa qarfiit allanngorneri Nunatta Katersugaasivianut Allagaateqarfianullu nalunaarutigineqassapput.

Imm. 2. Suliassa qarfiup allanngorneranut imaluunniit nalunaarsuiffimmut ilitsersuummi tassunga uppernarsaanikkut nalunaarutiginninneq pissaaq. Nalunaarummi § 17, imm. 2 sioqqutsisumik nalunaaruteqarneq akuersissuteqarneq pillugu piumasaqaammi nalunaaruteqarneq ilaanngilaq.

§ 19. IT-mik ataqatigiissumik aaqqissuussani, paasissutissamik katersisuni toqqortuissunilu, oqartussaasut sulinerannut (digitalimik ingerlatsinermut atortut) atatillugu pilersinneqartut imaluunniit pissarsiarineqartut, Nunatta Katersugaasivianut Allagaateqarfianullu nalunaarutigineqassapput, tamatuma kingorna ataqatigiissumik aaqqissuussap paasissutissat imarisai iluatinnartuunersut naliliissaaq. Taamaassappat Nunatta Katersugaasivianut Allagaateqarfianullu akuersissutigineqassapput.

Imm. 2. IT-mik ataqatigiissumik aaqqissuussap pissarsiarivinnissaa qaammatinik pingasunik sioqqullugu kingusinnerpaamik nalunaarutiginninneq pissaaq.

§ 20. Allakkat toqqorsivimmiitit toqqortarinerinut suliarinerinullu pisortat sullissiveqarfiutaat annertuumik allanngortitsippat, soorlu toqqorsivik nutaaq atulerniarlugi, allannguut atuutilersinnagu qaammat ataaseq sioqqullugu Nunatta Katersugaasivianut Allagaateqarfianullu nalunaarutigineqassaaq tassanngalu akuersissutigineqarluni.

§ 21. Nalunaaruteqarnermut akuersissuteqarnernullu ingerlatseriaatsimut atatillugu pisortat sullissiveqarfiutaat allakkamik naammagarluartumik tunniussissaaq aamma Nunatta Katersugaasivianut Allagaateqarfianullu tamanna pillugu qinnuteqareerneratigut paasissutissamik naleqquttunik nassiussissaaq.

§ 22. Nalunaaruteqarneq Nunatta Katersugaasiviata Allagaateqarfialu immersugassat innersuussutai

aamma ingerlatseriaatsimut tassunga Nunatta Katersugaasiviata Allagaateqarfiatalu aalajangersagai naapertorlugit pissaaq. Nunatta Katersugaasiviata Allagaateqarfiatalu nittartakkamini, immersugassat suut atorneqassanersut, nalunaarutiginninnermi akuersissuteqarnermilu ingerlatseriaatsit aamma nalunaaruteqarnermut killigititaq, tamanut saqqummiuppai.

Kapitali 4

Tunniussineq

§ 23. Allakkat toqqorsivimmiititat ukiunit 15-init pisoqaanerusut pisortallu sullissiveqarfiutaata sulinerani atortussaajunnaartut Nunatta Katersugaasivianut Allagaateqarfianullu tunniunneqassapput. Pisuni immikkut ittuni aamma Nunatta Katersugaasivianut Allagaateqarfianullu isumaqatigiissuteqarnikkut tunniussineq piffissami allami pisinnaavoq.

Imm. 2. Tunniussinissap tungaanut pisortat suliffeqarfiutaat allakkanik toqqorsivimmiititaminnik illersorneqarsinnaasumik toqqortarinninnissaminut pisussaapput.

Imm. 3. Pisortat sullissiveqarfiutaat atorunnaarsinneqarpat taassuma toqqortaataasa pisoqaassusaat apequtaatinnagu tunniunneqartassapput, pisortat sullissiveqarfiutaannit allamit suliassaqarfimmik tigusisussamit atorneqassanngikkunik.

§ 24. Allakkat toqqorsivimmiititat tunniunneqarnerminni torersarneqarsimassapput, poortorneqarsimallutik, nalunaaqutserneqarlutik qulequtsersorneqarsimassallutillu aammalu suliata asiakkaat pisariaqanngitsortaata peerneqarsimassallutik, kisianni takuuk imm. 2.

Imm. 2. Allakkat toqqorsivimmiititat pisortat sullissiveqarfiutaata sullissiveqarfimmit atorunnaartumit tigusai, tigueneratut pissuseqartillugit tunniunneqarsinnaapput.

Imm. 3. Pisortat sullissiveqarfiutaata tunniussisoq tunniussinermi aningaasartuutinik tamanik akiliissaaq.

§ 25. Allakkat toqqorsivimmiititat allagartaasa tunniussinnermi tunniussineq sioqqullugu pisortat sullissiveqarfiutaata tunniussinermut piareersaneq suliarsavaa, ilaassappullu:

- 1) atortut paarineqartussaangitsut immikkoortinneqassapput,
- 2) allakkat toqqorsivimmiititanut ajoqusernerusinnaasut iluarsaneq,
- 3) Nunatta Katersugaasiviata Allagaateqarfiatalu innersuussinermi malillugit allakkat toqqorsivimmiititat poortorneqassapput nalunaaqutserneqarlutillu,
- 4) suliassap salinnera, imaappoq allakkanit toqqorsivimmiititanit savimerngit plastikkillu piiarneri aamma
- 5) allakkanut toqqortaasivimmiititanut uppersaaneq suliarineri.

Imm. 2. Qanoq eriaqarsariaqartigineranut tunngatillugu tamanna eqqarsaatigineqassapput, imm. 1-imi piomasaaqatinnut Nunatta Katersugaasivianut Allagaateqarfialu immikkut akuersissuteqarsinnaapput.

§ 26. Allakkat toqqortaasivimmiititat elektronikkusut tunniunneranni, pisortat sullissiveqarfiutaata allagaateqariaatsitut iluseqarluni tunniussisoqarnissaa qularnaassavaa. Tamanna paasissutissanut allakkatigit uppersaasatit, nipit, videot assitigullu atortut eriaqarsariaqartunut atuuppoq.

Imm. 2. Nunatta Katersugaasiviata Allagaateqarfiatalu eriaqarsariaqarsinnaaneq pissutigalugu, allakkat toqqorsivimmiititat allagartaasa allagaateqariaatsitut iluseqarlutik toqqortaaticigineqarnissaat,

aalajangersarsinnaavaa.

Imm. 3. Nunatta Katersugaasiviata Allagaateqarfiatalu eriagisariaqarsinnaaneq imaluunniit naleqquttumik pissuteqarluni allagaateqariaatsip tunniunneqarnissaa pillugu piumasqaammik immikkut akuersissuteqarsinnaavoq taarsiullugu atortussat allatut ilusilerlugit tigusinnaallugit, assersuutigalugu qarasaasiamit pappiarangortitatut.

§ 27. Allagaateqariaatsimit paasissutissat eriagisariaqartut Nunatta Katersugaasiviata Allagaateqarfiatalu piffissani aalajangersagaani tunniunneqassapput. Tunniussinissamut piffissat Nunatta Katersugaasiviata Allagaateqarfiatalu nittartagaani tamanut saqqummiunneqassapput.

§ 28. Allakkat toqqortaatigineqartut tiguneqarpata, Nunatta Katersugaasiviata Allagaateqarfiatalu tighunerinut uppersaat nalunaarutigissavaa. Nalunaarummi § 29 malillugu tigusineq akuersissutiginninnerunngilaq.

§ 29. Allakkat toqqorsivimmiititat aatsaat tunniunneqartutut isigineqassappat, tunniussineq Nunatta Katersugaasiviata Allagaateqarfiatalu akuersissutigippagit.

Imm. 2. Allakkat toqqorsivimmiititat allagartaasa tighunerini paasineqarpat, tunniussinermut piareeraanermik suliaq naammassineqarsimanngippat, takuuk § 25, amigaatit paasineqartut sullissiveqarfimmit tunniussisumit imaluunniit sullissiveqarfiup akiligasaanik iluarsineqassapput.

Imm. 3. Elektronikkimik allakkat toqqorsivimmiititat tighunerani paasineqarpat, allagaateqariaatsip tamatumunnga malittarisassai naammassinngitsut, takuuk §§10-13, allagaateqariaatsimi amigaataasut sullissiveqarfimmit tunniussisumit imaluunniit sullissiveqarfiup akiligasaanik iluarsineqassapput.

§ 30. Allagaateqariaatsip tunniunnerata kingorna paasissutissat tunniunneqartut nuutinneri uppersaatit suliallu aaqqissuunneqarnissamut (oqaluttuarisaanermut paasissutissaateqarfik) matoqqappata sullissiveqarfiup tigungmiinnarsinnaavai.

Imm. 2. Paasissutissaateqarfiup oqaluttuassartaa taamaallaat toqqorsimaneqassaaq inatsimmi ilaani allami peerneqarnissaanut piffissamut killigititanut akerliunngippat. Pisortat sullissiveqarfiutaata paasissutissaateqarfiisa oqaluttuassartaasa inatsisip ilaani allami peerneqarnissaanut killigititat naapertorlugit peerneqarnissaat qularnaassallugu akisussaaffigaa.

Kapitali 5

Atorunnaarsitsineq

§ 31. Allakkanik toqqorsivimmiititanik atortussaajunnaarsitsineq tullerriaarluakkamik suliarineqarluni sunniuteqarluartumillu naammassineqassaaq, taamaalilluni isumalluutit, toqqortaateqarnermut atatillugu atorneqarnerat naleqqunnerpaamik atorluarneqaaqqullugu.

Imm. 2. Allakkanik toqqorsivimmiititanik atortussaajunnaarsitsineq aatsaat pisinnaavoq, allakkat toqqorsivimmiititat allaffissornikkut eqqartuussivikkulluunniit innuttaasumut oqartussaasumulluunniit pingaarutaaruppata aamma toqqortaateqartussaanerut tunniussinissamulluunniit inatsit alla malillugu naammassineqarpat.

Imm. 3. Suliap suliareqqitassanngornerani, aqutsinermut oqartussaasumut allamut naammagittaalliuut, ombudsmandimut naammagittaalliuut imaluunniit eqqartuussivinni suliassanngortitsineq, suliareqqitassanngortitsineq, naammagittaalliuut imaluunniit eqqartuussivimmi

suliarinninnerup naammassinissaa sioqqullugu atorunnaarsitaassanngilaq.

§ 32. Pisortat suliffeqarfiisa allakkat uppernarsaatit makkua piumasaminnik atortussaajunnaarsissinnaavaat, taamaattorli takuuk imm. 2 aamma § 31, imm. 2:

1) Naatsorsuutininut bilagit.

2) Naatsorsuutininut atortussat allat, ukiunik tallimanik pisoqaanerusut.

3) Illuutininut tunngasunik ingerlatsineq, atortut pilersuinerillu pillugit suliat.

4) Allaffissornermut pissutsinut, matumani maskiinanut kiisalu pequtininut tunngatillugit suliasat.

5) Allakkat uppernarsaatit, Nunatta Katersugaasiviata Allagaateqarfiatalu elektronikkimik ataqatigiissumik aqqissuussamik akuerisaanik scannerneqartut.

6) Atortussat katersat, taamaallaat pissarsiarineqartut eletronikkimik nalunaarsuiffinnut, paasissutissaateqarfinni il.il. paasissutissatut qarasaasiamik suliarineqarnissaat siunertaralugu (paasissutissat qarasaasiap suliasai).

7) IT-mik ataqatigiissumik aqqissuussamik allaganngortitat katersat, taamaallaat allagarsiinermi, paasissutissiinermi nakkutilliinermilu atorineqartut (paasissutissat edb-mi ataqatigiissumik aqqissuussamik suliarineqartut).

8) Atortussat saqqummiussat, matumani ilanngullugit atuagaaqqat, internetimit pappialanngortitat, suliamik ingerlatsinissamut pissutissaqalersitsinngitsut.

9) Atortussat allat, paasissutissatut tigusat, aamma suliamik ingerlatsinissamut pissutissaqalersitsinngitsut.

10) Oqartussaasut saqqummiussaasa sanaartornerininut atortussat, matumani ilanngullugit internetimi nittartakkat.

11) Nuutitsinerit sinneruttut, allakkanik uppernarsaataasunik pappiaranngortitsinerit sinneruttut.

Imm. 2. Allakkut atorunnaarsitsineq Nunatta Katersugaasiviata Allagaateqarfiatalu tassunga najoqqutassat aalajangersagai naapertorlugit pissaaq. Najoqqutassat Nunatta Katersugaasiviata Allagaateqarfiatalu nittartagaani matumani ilanngullugit najoqqutassiat taamaallaat pisortat sullissiveqarfiutaannut tamanut saqqummiunneqassapput.

§ 33. Eletronikkikkut allakkanik toqqorsivimmiititanik tunniussinermut atatillugu Nunatta Katersugaasiviata Allagaateqarfiatalu nalilissavaa, digitalimik paasissutissat suut atatiinnarneqassanersut, suullu atortussaajunnaarsinneqassanersut.

Imm. 2. Pisortat sullissiviffeqarfiutaanni IT-mik ataqatigiissumik aqqissuussami paasissutissanik atortussaajunnaarsitsilluni peersisoqassanngilaq allagaateqariaasinngorlugit paasissutissat Nunatta Katersugaasiviata Allagaateqarfiatalu tunniunneqartinnagit imaluunniit suliasamut tunniussinermut atatillugu Nunatta Katersugaasiviata Allagaateqarfiatalu atorunnaarsitsinissaanut aalajangiunneqarsimappata, taamaattorli takuuk § 34.

Imm. 3. Nunatta Katersugaasivia Allagaateqarfialu imm. 2-mi piumasaqaatigineqartunut immikkut ittumik akuersissuteqarsinnaapput, tunniussineq sioqqullugu allakkanik toqqorsivimmiititanik toqqorsinissamut atorunnaarsitsinissamullu naliliinissamut, tamanna pillugu pisortat sullissiveqarfiutaata sullissiveqarfiup toqqorsinissamut inissakilliorneq tunuliaqutaralugu qinnutigippagu.

§ 34. Atorfinnut qinnuteqaatit, atorfinitsitaanngitsoornermik kinguneqartut, ukioq ataaseq

toqqortarineqassapput, tamatumalu kingorna atortussaajunnaarsinneqassapput, taamaattorli takuuk § 31, imm. 3.

§ 35. Allakkat toqqorsivimmiitit, Nunatta Allagaateqarfianit atorunnaarsitsinissamut aalajangiunneqartut, Nunatta Allagaateqarfianut tunniunneqarsinnaanngillat.

Imm. 2. Allakkat toqqorsivimmiitit atorunnaarsitassanngortit aarlerinanngitsumik periuseqarluni aserorterneqarnissaat oqartussaasut suliffeqarfiisa qularnaassavaat.

Imm. 3. Allakkat toqqorsivimmiitit, paasissutissaateqarfiup oqaluttuassartaata ilaatut inissisimasunut, takuuk § 30, imm. 2-mi aserorterinissaq pillugu piumasaqaammut ilaanngillat.

Kapitali 6

Nakkutiginninneq pineqaatissinissamullu aalajangersakkat

§ 36. Nunatta Katersugaasivia Allagaateqarfialu Allagaateqarfeqarneq pillugu Inatsisartut inatsisaata eqqortinneqarnissaannik nakkutiginnittuvoq, nalunaarut manna najoqqutassallu, nalunaarut aamma allagaateqarnermut malittarisassat naapertorlugit Nunatta Katersugaasiviata Allagaateqarfiatalu atortuulersippai.

Imm. 2. Nunatta Katersugaasivianut Allagaateqarfianullu, nakkutiginninnerup suliarinissaanut pingaarutilinnik, paasissutissanik taamaattunik tamanna pillugu qinnuteqarneq malillugu Pisortat sullissiveqarfiutaat tunniussisassapput

Imm. 3. Pisortat sullissiveqarfiutaannik allagaateqarnermut malittarisassanik qaangiinnaasoqarnera paasineqarpat, sullissiveqarfik malittarisassanik naammassinneqqullugu aaqqiissuteqarnissaanik Nunatta Katersugaasiviata Allagaateqarfiatalu peqqusinnaavaat.

Imm. 4. Nunatta Katersugaasiviata Allagaateqarfiatalu allagaateqarnermut malittarisassanik annertuumik qaangiinnaasoqartillugu pisortat sullissiveqarfiutaata oqartussaasutut qullersarisaanut imaluunniit oqartussaasutut nakkutilliisumut nalunaarutigissavaat, aamma Kultureqarnermut Naalackersuisoqarfimmut ilisimatitsissutigissavaat.

§ 37. Nalunaarummi aalajangersakkat atugarisaasut § 17, imm. 1 malillugu nalunaarutigineqartut aamma § 10, imm. 5, § 22 aamma § 32, imm. 2 malillugu Nunatta Katersugaasivianit Allagaateqarfianillu najoqqutassat atuutsinneqartut unioqqutinneqarpata akiliisitaasussanngortitsisoqarsinnaavoq.

Imm. 2. Inatsisitigut akisussaasusut Kalaallit Nunaanni pinerluttulerinermi inatsimmi maleruagassat malillugit akiliisussanngortinneqarsinnaapput.

Imm. 3. Akiliisitsissutit Nunap Karsianut tutsinneqassapput.

Kapitali 7

Atuutilersitsinermut atorunnaarsitsinermullu aalajangersakkat

§ 38. Nalunaarut ulloq 1. oktober 2016 atuutilissaq

Imm. 2. Katersugaasiveqarnermut Allagaateqarfeqarnermullu ataatsimiititaliap suleriaasissaa pillugu Namminersornerullutik Oqartussat nalunaarutaat nr. 2, 26. januar 1996-imeersoq, Katersugaasiveqarnermut Allagaateqarfeqarnermullu ataatsimiititaliami katersugaasiviit

akuerineqarsimasut sinniisaasa qinerneqartarnerat pillugu Namminersornerullutik Oqartussat nalunaarutaat nr. 3, 26. januar 1996-imeersoq aamma Namminersorlutik Oqartussat nalunaarutaat nr. 22, 21. september 2016-imeersoq atorunnaarsinneqarput.

Namminersorlutik Oqartussat, ulloq 26. september 2016

Nivi Olsen

/

Mikael Kristensen